

## ხელშეკრულება №1/344

სახელმწიფო შესყიდვის შესახებ

დაფინანსების წყარო - კანონმდებლობით ნებადართული სხვა შემოსავლები

ქ. გორი

16 ოქტომბერი 2019 წელი.

“სახელმწიფო შესყიდვების შესახებ” საქართველოს კანონისა და შპს „ავერსი-ფარმა“-მეორე ერთიანი ელექტრონული სისტემით წარმოდგენილი სატენდერო წინადადების საფუძველზე, **NAT190018815** ელექტრონული ტენდერის ჩატარების შედეგად, ვდებთ წინამდებარე სახელმწიფო შესყიდვების ხელშეკრულებას შემდეგზე:

ხელშეკრულებაში გამოყენებული ტერმინთა განმარტება:

➤ „ხელშეკრულება სახელმწიფო შესყიდვის შესახებ“ (შემდგომ - “ხელშეკრულება“) - „სახელმწიფო შესყიდვების შესახებ“ საქართველოს კანონისა და კანონქვემდებარე ნორმატიული აქტის საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით, რომლებზეც ხელშეკრულებაშია მინიშნებები.

➤ „შემსყიდველი ორგანიზაცია“ (შემდგომ „შემსყიდველი“) - ორგანიზაცია (დაწესებულება), რომელიც ახორციელებს სახელმწიფო შესყიდვას;

➤ „მიმწოდებელი“ - იურიდიული ან ფიზიკური პირი, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;

➤ „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

➤ „დღე“, „კვირა“, „თვე“ - კალენდარული „დღე“, „კვირა“, „თვე“.

### 1. ხელშეკრულების დამდები მხარეები:

ერთი მხრივ, სსიპ - გიორგი აბრამიშვილის სახელობის საქართველოს თავდაცვის სამინისტროს სამხედრო ჰოსპიტალი წარმოდგენილი მისი დირექტორის დავით ბარლიანის სახით (შემდგომში შემსყიდველი); მისამართი: ქ. გორი, ჭავჭავაძის #56; საიდენტიფიკაციო კოდი: 218064699; საბანკო რეკვიზიტები: ქ. თბილისი, სახელმწიფო ხაზინა, მიმდები ბანკი-ხაზინის ერთიანი ანგარიში, სახაზინო კოდი TRESGE22; ანგარიშის №707007519

მეორეს მხრივ: შპს „ავერსი-ფარმა“ წარმოდგენილი მისი კომერციული დირექტორის ეკატერინე მიქელაძის (სანოტარო მოქმედების რეგისტრაციის ნომერი 181571202 ინდივიდუალური ნომერი 21179902508918) სახით (შემდგომში “მიმწოდებელი”); იურიდიული/ფაქტიური მისამართი ქ. თბილისი. დ. აღმაშენებლის გამზ. #148; საიდენტიფიკაციო კოდი: 211386695, მომსახურე ბანკი: ს.ს. „საქართველოს ბანკი“ ბანკის კოდი: BAGAGE22, ანგარიშის ნომერი: GE06BG0000000122932100

### 2. ხელშეკრულების საგანი

2.1. ხელშეკრულების საგანია ფარმაცევტული პროდუქტის შესყიდვა CPV33600000.

2.2. შესყიდვის ობიექტის დეტალური მახასიათებლების მოცემულია ფასების ცხრილში, დანართში, რომელიც წარმოადგენს ხელშეკრულების განუყოფელ ნაწილს.

### 3. ხელშეკრულების ღირებულება

3.1 ხელშეკრულების ჯამური ღირებულება შეადგენს 9 300,00 (ცხრა ათას სამასი) ლარი.

3.2 შესყიდვის ობიექტის დეტალური განფასება მოცემულია ფასების ცხრილში, დანართში, რომელიც წარმოადგენს ხელშეკრულების განუყოფელ ნაწილს.

3.3 ხელშეკრულების ღირებულება მოიცავს როგორც საქონლის ღირებულებას, ასევე წინამდებარე

ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ შესაბამის გადასახადებს.

3.4 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება, ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

#### **4. მხარეთა ვალდებულებები**

4.1 მიმწოდებელი ვალდებულია:

ა) უზრუნველყოს საქონლის მიწოდება ეტაპობრივად, 2019 წლის 27 დეკემბრის ჩათვლით, შემსყიდველის მოთხოვნიდან 5 სამუშაო დღის განმავლობაში მისამართზე: ქ.გორი, ჭავჭავაძის 56, სადაც სასაქონლო ზედნადებისა და მიღება-ჩაბარების აქტის გაფორმების მომენტიდან შემსყიდველზე გადადის საკუთრების უფლება საქონელზე.

ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე, დაუყოვნებლივ უზრუნველყოს აღმოჩენილი ხარვეზის გამოსწორება;

გ) ხელი შეუწყოს შემსყიდველს ინსპექტირების განხორციელებისას;

დ) უზრუნველყოს ამ ხელშეკრულებით გათვალისწინებული სხვა ვალდებულებების განხორციელება.

4.2 შემსყიდველი ვალდებულია:

ა) უზრუნველყოს ხელშეკრულების შესრულების კონტროლი;

ბ) განხორციელოს ამ მასზე დაკისრებული სხვა ვალდებულებები.

#### **5. ხარისხი და ვარგისიანობის ვადა**

5.1 მიწოდებული საქონლის ხარისხი უნდა შეესაბამებოდეს სატენდერო დოკუმენტაციით დადგენილ სტანდარტებს.

5.2 საქონლის ვარგისიანობის ვადა - არანაკლებ 1 წელი მიღება-ჩაბარების აქტის გაფორმებიდან.

5.3 ხელშეკრულების მოქმედების პერიოდში, თუ საქონლის ვარგისიანობის ვადა ვერ დააკმაყოფილებს ზემოაღნიშნულ მოთხოვნას, მიმწოდებლისგან წარმოდგენილი დასაბუთებული ინფორმაციის საფუძველზე შემსყიდველი უფლებამოსილია შეისყიდოს ბაზარზე იმ მომენტისთვის არსებული მაქსიმალური ვადის მქონე პრეპარატი ჰოსპიტლის ფუნქციონირებისათვის საჭირო რაოდენობით.

#### **6. ხელშეკრულების შესრულების კონტროლი**

6.1 "შემსყიდველი" უფლებამოსილია საქონლის მიწოდების პარალელურად მოახდინოს მიწოდებული საქონლის ინსპექტირება, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და "შემსყიდველის" მოთხოვნებთან.

6.2 შემოწმების შედეგად გამოვლენილი ნებისმიერი ნაკლის ან დეფექტის შესახებ "შემსყიდველი" დაუყოვნებლივ წერილობით აცნობებს "მიმწოდებელს" დაწუნებული საქონლის რაოდენობისა და წუნდების მიზეზების მითითებით.

6.3. გამოვლენილი დეფექტის ან ნაკლის შესახებ შეტყობინების მიღების შემდეგ მიმწოდებელი ვალდებულია დაუყოვნებლივ ჩაანაცვლოს მიწოდებული საქონელი ახლით.

6.4. ხელშეკრულების კონტროლი განხორციელდება პერიოდულად, წარმოქმნილი საჭიროებიდან გამომდინარე.

6.5. "მიმწოდებელი" ვალდებულია საქონლის მიწოდების განხორციელების დროს კონტროლის ჯგუფს შემოწმების პროცესში აღმოუჩინოს ხელშეწყობა, არ შეუქმნას ხელისშემშლელი პირობები და შესასყიდ საქონელთან დაკავშირებით წარუდგინოს ნებისმიერი სახის ინფორმაცია და დოკუმენტები.



## **7. საქონლის მიღება-ჩაბარების წესი**

7.1. შემსყიდვის ობიექტის მიღება-ჩაბარება ხდება მიღება-ჩაბარების აქტის საფუძველზე (კანონმდებლობით დადგენილი დოკუმენტაციის გამოწერით). საქონლის გადაცემა დასტურდება ორივე მხარის მიერ ხელმოწერილი მიღება-ჩაბარების აქტითა და შესაბამისი დოკუმენტაციის გამოწერით, რომელთა ხელმოწერით ყველა ქონებრივი უფლება საქონელზე უკუთვნის მიმწოდებელს, რომელიც პასუხისმგებელია შესაძლო რისკებზე - საქონლის შემთხვევით (მთლიანად ან ნაწილობრივ) დაღუპვაზე, გაფუჭებაზე ან სხვა რაიმე ზიანზე. ზემოაღნიშნული დოკუმენტაციის გაფორმების მომენტიდან აღნიშნული უფლებები და რისკები გადადის შემსყიდველზე.

7.2 საქონლის მიღებას შემსყიდველის მხრიდან აწარმოებს ავთიაქის უფროსი თინა ყაჭიშვილი.

## **8. ანგარიშსწორება**

8.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა \_ ლარი;

ბ) ანგარიშსწორების ფორმა \_ უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.2 შემსყიდველი იღებს ვალდებულებას გადაუხადოს მიმწოდებელს მიღებული საქონლის ღირებულებამიღება-ჩაბარების აქტის გაფორმებიდან და სავალდებულო საგადასახადო დოკუმენტაციის წარმოდგენიდან 10 (ათი) სამუშაო დღის განმავლობაში.

## **9. ხელშეკრულების შესრულების შეფერხება**

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

## **10. ხელშეკრულების პირობების შეუსრულებლობა**

10.1. ამ ხელშეკრულებით განსაზღვრული ვალდებულებების შეუსრულებლობის ან არაჯეროვნად შესრულების შემთხვევაში, მხარეები პასუხს აგებენ საქართველოს კანონმდებლობით, ამ ხელშეკრულებით გათვალისწინებული პირობებით და წესით. თითოეული მხარე ვალდებულია მეორე მხარეს აუწყოს ვალდებულებების შეუსრულებლობით გამოწვეული ნებისმიერი პირდაპირი თუ არაპირდაპირი ზიანი;

10.2. "შემსყიდველის" მიერ ფინანსური ვალდებულების დროულად შეუსრულებლობის, ან არაჯეროვნად შესრულების შემთხვევაში "მიმწოდებელს" უფლება აქვს დააკისროს, რა შემთხვევაშიც შემსყიდველი ვალდებულია გადაიხადოს პირგასამტეხლო იმ პერიოდისათვის არსებული ფინანსური ვალდებულების 0.02%-ის ოდენობით ყოველ ვადაგადაცილებულ დღეზე.

10.3. "მიმწოდებელის" მიერ ნაკისრი ვალდებულების დროულად შეუსრულებლობის, ან არაჯეროვნად შესრულების შემთხვევაში "შემსყიდველს" უფლება აქვს დააკისროს, რა შემთხვევაშიც მიმწოდებელი ვალდებულია გადაიხადოს პირგასამტეხლო შეუსრულებელი ვალდებულებების ღირებულების 0.02%-ის ოდენობით ყოველ ვადაგადაცილებულ დღეზე.

10.4. თუ ვადაგადაცილებული დღეების რაოდენობა გადაჭარბებს 10 დღეს შემსყიდველი უფლებამოსილია შეწყვიტოს ხელშეკრულება და მიმწოდებელი დააჯარიმოს ხელშეკრულების ჯამური ღირებულების 20%-ის ოდენობით.

10.5. თუ ხელშეკრულების შესრულება განხორციელდა ნაწილობრივ, მიმწოდებლის უშუალო გაფრთხილებიდან 10 დღეში, შემსყიდველი ორგანიზაცია უფლებამოსილია შეწყვიტოს ხელშეკრულება და მიმწოდებელი დააჯარიმოს შესრულებელი ვალდებულებების 10%-ის ოდენობით.

10.6. საჯარიმო თანხის გადახდა უნდა მოხდეს ვალდებულების შესრულებლობის მომენტიდან 10 კალენდარული დღის ვადაში.

10.7. საჯარიმო თანხის გადახდა არ ათავისუფლებს მხარეებს ნაკისრი ვალდებულებების შესრულებისაგან.

10.8. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიაღება მეორე მხარის მიერ ხელშეკრულებით ნაკისრი ვალდებულებების შესრულებლობით.

#### 11. ხელშეკრულებაში ცვლილებების შეტანა

11.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

#### 12. დავების გადაწყვეტა

12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

12.2 თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია, მიმართოს საქართველოს სასამართლოს, საქართველოს მოქმედი კანონით დადგენილი წესით.

#### 13. ხელშეკრულების შეწყვეტა

13.1 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

13.2 თუ ეს გარიგება ემყარება რეალური მოთხოვნის შესაბამის გარემოებებს და იგი არ წარმოიშობოდა მხარეებს რომ საქმის ნამდვილი მდგომარეობა სცოდნოდათ, გარდა იმ შემთხვევისა, თუკი მეორე მხარე თანახმაა შეასრულოს გარიგება რეალური მოთხოვნის შესაბამისად.

13.3 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.

13.4 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

#### 14. ხელშეკრულების მოქმედების ვადა

14.1 წინამდებარე ხელშეკრულება ძალაში შედის ამ დოკუმენტის თავში მითითებული თარიღიდან და მოქმედებს 2020 წლის 31 იანვრის ჩათვლით.

#### 15. ფორს-მაჟორი

15.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შესრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შესრულებლობა გამოწვეულია ფორს-



მაჟორული მდგომარეობით.

15.2 ამ მუხლის მიზნებისათვის "ფორს-მაჟორი" ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით.

15.3 მხარემ, რომელსაც შეეძენა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

#### 16. სხვა პირობები

16.1 წინამდებარე ხელშეკრულება შედგენილია ქართულ ენაზე;

16.2 მხარეები ხელშეკრულებაზე ხელმოწერით ადასტურებენ, რომ აღნიშნული შესყიდვის განხორციელებაში მათი მონაწილეობა არ იწვევს ინტერესთა კონფლიქტს.

16.3 ხელშეკრულება შედგენილია ქართულ ენაზე, ერთ ეგზემპლარად და ხელმოწერილი იქნება მხარეთა უფლებამოსილი პირების მიერ, „ელექტრონული დოკუმენტისა და ელექტრონული სანდომომსახურების შესახებ“ საქართველოს კანონის შესაბამისად, კვალიფიციური ელექტრონული ხელმოწერით, რომელთაგან თითოეული მხარის ელექტრონულ ვერსიას აქვს თანაბარი იურიდიული ძალა და ინახება ხელმოწერმხარეებთან.

#### 17. მხარეთა რეკვიზიტები:

##### შემსყიდველი

სსიპ გიორგი აბრამიშვილის სახელობის  
საქართველოს თავდაცვის სამინისტროს  
სამხედრო ჰოსპიტალი  
დირექტორი



##### მიმწოდებელი

შპს „ავერსი-ფარმა“

კომერციული დირექტორი

ეკატერინე მიქელაძე

შპს "ავერსი-ფარმა"  
NAT190018815

## ფასების ცხრილი

| N  | წამლის დასახელება               | ჯანჯარიკი                               | განზომილება | რაოდენობა | ერთეულის ფასი, ლარი | საერთო ფასი, ლარი | მწარმოებელი ქვეყანა | მწარმოებელი კომპანია       |
|----|---------------------------------|---|-------------|-----------|---------------------|-------------------|---------------------|----------------------------|
| 1  | ფლოქსიმედი 0.3% 5გ თვ.მალამო    | Ciprofloxacinum                         | ტუბი        | 10        | 14.81               | 148.10            | ევროპა              | ეპიკო ევროპა               |
| 2  | ვიტამინი 1% 10მლ #10ა (დარნიცა) | Menadionum                              | კოლოფი      | 50        | 3.98                | 199.00            | უკრაინა             | დარნიცა კიევი              |
| 3  | სოლკოკინი 5გ თვ.ფული            | Deproteinized sanguinem vit.hemoderivat | ტუბი        | 3         | 16.60               | 49.80             | კორეა               | ჰანლიმ ფარმ.კო. ლტდ        |
| 4  | ტობრემიკი 0.3% 3.5გ თვ.მალამო   | Tobramycinum                            | ტუბი        | 5         | 8.28                | 41.40             | ბულგარეთი           | ბიბი ფარმა                 |
| 5  | სოლუ-მედროლი 1000მგ ფლ-გამხსნ.  | Methylprednisololum                     | ფლაკონი     | 40        | 65.88               | 2635.20           | ბელგია              | ფაიზერ მანუფაქტურინგ ბელგ. |
| 6  | ტეტრაკაინი თევწე 1% 10მლ ფლ     | Tetracainum                             | ფლაკონი     | 40        | 6.72                | 268.80            | სომხეთი             | ლოქორი                     |
| 7  | ანაპროლინი 0.01გ #20ა GMP       | Propranololum                           | კოლოფი      | 20        | 2.93                | 58.60             | საქართველო          | ჯი.ემ.პი                   |
| 8  | ციკლოპროფენი 10მგ/მლ 5მლ თევწე  | Cyclopentolate                          | ფლაკონი     | 20        | 11.49               | 229.80            | პორტუგალია          | ედოლ                       |
| 9  | მედიკალი 15მგ/1.5მლ #3ა         | Meloxicamum                             | კოლოფი      | 70        | 9.23                | 646.10            | ესპანეთი            | ბერინგერ ინგელჰეიმ ესპანა  |
| 10 | კონტროლოკი 40მგ ფხვ.ი/გ #1ფლ    | Panthoprazolum                          | ფლაკონი     | 1000      | 4.44                | 4440.00           | გერმანია            | ბა.კე.და გმპ               |
| 11 | მიდოკალინი 150მგ #30დრ          | Tolperisonum                            | კოლოფი      | 60        | 9.72                | 583.20            | უნგრეთი             | გედეონ რიხტერი             |
|    |                                 |   |             |           | სულ:                | 9300.00           |                     |                            |

კომერციული დირექტორი:

ე. მიქელაძე

ხელწერილი  
ინტერესთა კონფლიქტის არარსებობის შესახებ

ვიზირებულია:

ჩვენ, ქვემოთ ხელის მომწერნი ვადასტურებთ, რომ აღნიშნულ შესყიდვის განხორციელებასთან დაკავშირებით ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს 2005 წლის 20 აპრილის კანონის მე-8 მუხლის მე-4 პუნქტის მოთხოვნებს და შპს „ავერსი-ფარმასთან“ ინტერესთა კონფლიქტში არ ვიმყოფებით.

ფინანსების მართვისა და სახელმწიფო  
შესყიდვების სამსახურის უფროსის  
მოადგილე :

 გრიგოლ გვრიტიშვილი


მთავარი სპეციალისტი (იურისტი):

 კაკური გოცაძე

აფთიაქის უფროსი:

 თინა ყაჭიშვილი

შესრულებელი: ფინანსების მართვის და სახელმწიფო შესყიდვების სამსახურის მთავარი  
სპეციალისტი (შესყიდვები):

 ეკატერინე ბერძენიშვილი